

Bouonjour tout l'monde, ch'est Ken Vibert de Grosnez t'chi vos presente la lettre jerriaise aniet le 1 d'octobre 2022.

Et bien bouanne gens, apres deux ans d' bouleverse, la vie c'menche a se'r'mett' au normal. Pas l' normal que j'avion te accouoteunmers d'vaie d'vant l' Covid , mais pus'tot un nouveau normal, ou'est tchi faut vivre auv chute sapre maladie, comme nou's a vetchu toute ch'es'anees auve la grippe.

Pour ma bouone femme Beryl et me, il nos a prins tchique temps a prendre la decision, mais finalement, y'a un mai, j'ertouon'imme en vacance en France. Comme bien d'vous l'save, j'ai un penchant, meme, nous pouraie dithe, une passion, pour le jeu d' petanque et j'avais envie d'aller vai le championnat des maistre de petanque. Ch'utte competition es connue par le titre " Les Masters de Petanque." Et quand ils arrive au dernier quatre ch'es " Les Final Four ". Y'a qu'les francais t'chi peuve se faithe servi de t'elle "franglais". Enfin, la competition eu lieu a la ville de Nevers, t'chi s' trouve a deux chents- vingt -chins kilometres au sud-este d'Paris entre Bourges et Moulins dans l'departement de Nievre, la region de Bourgogne Franche-Conte. L'ordinateur m'aver fait a saver qu' ch'te a chin-ch'heuthe et d'mi d'route de St Malo et d'meme j'avais decider que j'pouvais y' cachi aisiment dans une journais. Mais j'avez r'oublier que, oui chin-ch'heuthe et d'mis, mais i faut s'arreter pour 'visiter sa tente', et quand nou vin d'une certaine age, ch'est bien pus souvant t'chi faut faithe ch'n'a, et y faut etou s'arreter pour mangi. l'nos prin la pluspart de neuf heuthe et j'vos dit qu'ch'tes tout a fait rendu quand j'arrivimme a notr' hotel.

Mais v'lla t'ch'y valet bien l'coup, car la competition qu' j'umme le paisi d'vai, pour les prechain deux jour, te tout a fait incriyabl'ye. V'la chi fut jouae dans l' mitan d'la ville dans l'bel en d'vant du Palais Ducal

ou'est t'ch'ille avais bati un stade pour a bien pres d' deux mille spectateurs.

Le premie jour y'aver une competition pour choisi l'etchip tch'aller r'presenter la ville de Nevers dans la grande competition. J'vimme etou les jeunes, de huit a chinze ans. Garcons et filles, l'y' en avais bien une chentaine en tout, et quand j'arrivime au final, l'y'aver un p'tit gamin d' huit ans t'chi te tout a fait ermerquabl'ye. l' pouver taper une boule aue la sienne a neu metre sans manque. Me, j'ai te a jouer pour quarente ans et j'en pas pon en faithe autant. Mais i'n' te pas l'seule car les chinq autre dans l'finale tes touos des joueux d'une qualitee t'chi promets bien pour l'avnin du sport.

Le deusiemme jour te la grand competition, avec huit des miyeu etchipes du monde. Et bien bouone gens ch'u jouor- la, ch'te tchique chose d'autre a vaie. Comme touos les professionel, a auchun sport, i' font la faithe pathaitre si aisie, ou'est qu' actuellement ch'est si hardi difficile. Le fliotchet d'gens t'chi tes a les r'garder, bien d' ieux des joueux, t'es tout a fait extasie d'vais la precision d'la maniethe t'chi jouerais, d'un niver si exceptionelle. J'les avon veu d'vant Beryl et me, a la television, mais pour etre la, a les vaie, ch'te un'enorme piassi.

Ch'est une belle ville Nevers et j'avons envie d'y r'touonner l'annee t'chi veint, et y rester pour un p'tit mio pus long temps, pour vaie la petanque, mais etou aver l'oportunite de vaie un miot pus d'la ville meme.

Et bien bouone gens n'en v'la assez pour anniet, et mercie d'm'avait ecouter.